

DISSERTATIO INAUGURALIS,  
DE  
BONORVM ALLODIALIVM  
IN FEVDALIA  
INCORPORATIONE,

QVAM  
PRAESIDE  
DN. NICOLAO CHRISTOPH.  
LYNCKERO,

ICTO IENENSI MAGNI NOMINIS,  
NEC NON POSTEA S. R. I. EQVITI, ET, S. C. MAIEST.  
A CONSILIIS IN AVLA IMPERIALI  
DIE XXVIII MARTII ANN. R. & CIOIOCXIIII

PRO LICENTIA  
SYMPOS IN VTROQUE IVRE HONORES DOCTORALES  
MORE MAIORVM CAPESSENDI,  
EXPOSUIT

IO. WILHELMVS THAVRER,  
HASSO - CASSELLANVS,



NVNC VERO TERTIA VICE

---

IENAE,  
PRODIIT PER LITTER. IO. BERNH. HELLERI, 1747.





*I. N. D. N. I. C.*

THES. I.



Allodium & Feudum sibi invicem opponi, illo rem omnino liberam, & plena vel omni proprietate ad nos pertinentem, hoc quoad recognitionem alterius directo dominio subjectam indigitari, notissimum est: utrumque cum tam quoad Etymologiam, quam Homonymiam ac Synonymiam, in omnium Feudistarum scriptis abunde expositum invenitur, opera illa nunc jure superfedere, quin & allodialium atque feudaliū bonorum qualitates atque differentias secure prætermittere possumus; hoc saltem monentes, vocabulum Feudi, missis aliis

liis significationibus, pro ipsa Re in feudum concessa hic à nobis accipi. Quod vero incorporationem ( Germanice *Einverleibung* ) attingit, describitur illa nobis generaliter : Quod sit diversorum bonorum variis modis ac titulis facta conjunctio seu copulatio. Distingui illa solet (1) ratione effectus in perfectam & imperfectam. Est enim plurium formarum, & fit vel per extinctionem rei alteri unitæ, vel per talem adjunctionem, qua utrumque conjunctum principaliter manet & per se subsistit. (2) Ratione Objecti, alia est bonorum spiritualium, ut Ecclesiarum & beneficiorum Ecclesiasticorum ; alia bonorum temporalium, Terrarum & Provinciarum, tam Allodialium quam Feudalium ; earumque vel universitatem quandam constituentium, quam particularem solum formam & partem referentium : & hæc vel à Domino directo per adjunctionem plurium bonorum feudo Vasallo concessa, vel ipso Vasallo, propria bona feudalibus à se jam possessis, debito modo conjungente, perficitur : quam ultimam incorporationis speciem, & quidem eam quam ratione effectus perfectam appellare consueverunt, qua nimirum natura allodii in feudum mutatur & convertitur, præsentī Dissertatione Inaugurali paucis pertractare in animum induximus.

TH. II.

TH. II. Describimus autem eandem, quod sit allodialium bonorum separatorum in feudalia legitima interveniente conjunctione, solenniter facta transformatio ; sicque illam à simplici quadam bonorum adjunctione, quæ multos juris producit effectus, satis removemus.

TH. III. Inter modos autem allodialium in feudalia bona incorporationis Primo loco ponimus Expressam dominii bonorum hujusmodi à Vasallo sciente & volente in dominum feudi acceptantem, ex titulo ad transferendum dominium habili, per traditionem veram ac propriam, factam oblationem & translationem ; sub conditione tamen, quam tacite in se complectitur, ut dominium utile iterum offerenti Vasallo acceptans dominus in illis constituat, ex quo demum distinctio inter dominium directum & utile enascitur. *Illustr. Dn. Pres. in Analec. ad Struv. Synt. feudal. cap. 7. §. 10.* Deinde Tacitam, quando Vasallus rem suam propriam allodiam tanquam feudalem & velut cum feudo unitam sciens à Domino feudi, rem conjunctam & recognitam alienam esse non ignorante, rite recognoscit : tunc enim eandem domino tradidisse & per fictionem brevis manus cum dominio utili ab ipso recepisse, ipsaque

ex illo tempore feudalis facta censetur. *Rosenthal. cap. 6. concl. 68. n. 17.* Notanter autem diximus (1) Vasallum, scientem rem unitam hactenus fuisse allodiam & separatam, tanquam feudalem, à Domino feudi recognoscere debere. Namque allodialium ut feudaliū sive semel sive sæpius à Vasallo ex errore probabili facta recognitio ipsi non præjudicat, eorumque dominium domino feudi propter defectum animi transferendi, vid. *L. 15. ff. de jurid. L. 2. ff. de confess.* non acquiritur : Nec interest facti an juris ille error sit, cum etiam hic, ubi de damno vitando agitur, nec donationis præsumptio, eo quod nemo in dubio sua jactare credat, locum habere potest, haut nocere soleat. *vid. B. Dn. Struv. Synt. J. C. Ex. 27. th. 4.* Requiritur autem ut idem cum non facile præsumatur, legitime doceatur : *L. 4. C. de jur. & fact. ignor. Mascard. de probat. Vol. 2. concl. 637. num. 1. & seqq.* quod sufficienter fieri posse putamus, si ostendatur, Vasallum aut Majores ejus rem ut feudalem recognitam olim tanquam allodiam accepisse & possedisse : tunc enim ex titulo priori adhuc possidere, nec donationem (cujus species feudi oblatio certo modo dici potest) intervenisse, sed potius recognitionem istam per erroneam impressionem factam

factam fuisse, præsumitur, vid. *Rosentb. cap. 6. conclus. 68. n. 7. & 8.* (2) Dominum feudi non ignorare debere rem conjunctam & recognitam alienam esse, cum in dominii translatione scientia & animus non tantum transferentis, sed & acquirere illud volentis, exigatur: *L. 18. ff. de reb. cred.* ita ut ex verbis clavis & manifestis de utriusque mente, Vasalli scilicet, rem suam domino subicere (non simpliciter ab ipso recognoscere, hoc enim ex alodio non facit feudum. *Surd. consil. 411. n. 73.* cum etiam aliam ob causam frequenter fieri soleat. *Idem consil. 311. n. 67. Bursat. consil. 46. n. 16. alleg. à Klockio tom. 2. consil. 8. n. 113. & 114.*) & domini feudi dominium acquirere volentis, satis constet. vid. *Vultej. de feud. lib. 1. cap. 5. n. 19. ibique alleg. Dd.*

TH. IV. Utroque vero modo investitura domini, ut complementum cæterorum actuum, accedere debet: sine ea enim feudum nullo modo constituitur, *1. F. 25. §. 2. & 11. F. 1. inf.* nec alodii natura mutatur. *Ifern. in tit. de controuv. feud. Coler. p. 1. Dec. 80. n. 1. Zobel. p. 2. differ. 46. num. 1. Carpz. Jurispr. for. p. 3. const. 30. def. 12.* cui perillam anima feudalis quasi infunditur, ut eleganter loquitur *Hertius tract. de feud. oblat. part. 2. §. 33. pag. m. 101.* Extra hanc si Vasallus per XXX. an-

nos

nōs (quæ præscriptio extra annalem illam, qua filii & agnati proximiores feudo à Vafallo vendito & alienato, vivo alienatore, intra annum refufo pretio feudum revocant, *v. 11. F. 9. §. ult. 26. §. Titius ibiq. Bittsch.* sola jure feudorum moribusq; Longobardorum obtinet, *v. B. Dn. Struv. S. F. cap. 8. §. ult. n. 3. Vultej. L. 1. c. 5. n. 4.* in tantum, ut si alicubi longi temporis fiat mentio, XXX. anni semper accipiendi sint; *Illustr. Dn. Præf. in Analect. ad cit. Struv. loc.* (bona sua propria una cum feudo ut feudalia, siue sciens siue ignorans (error quippe à præscriptione excluditur, & certa scientia præsumitur) à Domino feudi in bona fide, præsertim juxta Jus Canon. (quod cum usu observetur, quid jure feudali obtineat disquirere superfedebimus) constituto recognoverit, dominium directum in illis præscriptum, iplaque ut feudo incorporata haberi debent. *arg. 11. F. 26. §. si quis per XXX. annos. vid. Rosenth. cap. 6. concl. 81. n. 1.* Nec opus est titulum & investituram hic præcessisse: præsumtus enim sufficit, & præscriptio vicem investituræ sustinet, ita ut ex ea feudum per investituram constitutum esse præsumatur, *v. 11. F. 33. V. inde etiam. B. Dn. Struv. S. F. c. 7. §. ult. n. 2. Vultej. cit. loc.*

TH. V. Denique si Vafallo feudum hac expressa



pressa conditione concessum reperiat, ut quicquid postea acquisiverit, pro re feudali statim haberi debeat : tunc, etiamsi nulla expressa ratione horum acquisite processerit domini investitura, ex pacto hoc investituræ super re principali adjecto, allodia hæc comparata statim naturam feudi induunt, eique incorporata censerentur debent ; ut in Collegio Jurorum Jenensium in terminis responsum fuisse testatur *Dn. Richter. part. 3. consil. 8. quæst. 1.* Quin & si præcedente controversia inter Dominum feudi & Vassallum de qualitate bonorum, Judex sententia sua bona hujus allodialia feudalia pronunciaverit, per hanc, dummodo in rem judicatam transferit, feudo incorporata, & dominium directum eorum in dominum feudi translatum erit : tum quia res judicata pro veritate habetur, *l. 20. de R. J.* tum quod sententia Judicis ejus sit efficaciam, ut naturam rei mutare, eique novam qualitatem adjicere possit. *Schradet. de feud. part. 5. cap. 5. n. ult.*

TH. VI. Ex his facile colligitur, quod sola unio seu conjunctio rei allodialis, quæ per se subsistere potest cum prædio feudali, forte quod emerit Vassallus pratum quo opus habebat, illudque destinatione sua unum cum feudo fundum fecerit,

B

(secus

(secus est e. g. in servitute fundo feudali à Vasallo acquisita, quin & ædificio ei imposito, quæ, cum separari ab ipso nequeant, partes fundi reputantur, v. 11. Feud. 8. §. E contrario. quamvis augmenti hujus ex industria Vasalli feudo accedentis æstimationem, quasi utilis meliorationis causa facti, præstare dominus obligatus sit; *Afflic. in cit. text.* aut ut ædificium si possit, tollatur, pari debeat, 11. Feud. 28. §. Si Vasallus. *Guido Papa Decis.* 169. *Hartm. Pifst. quæst.* 42. num. 7.) sine facta antedicto modo recognitione qualitatem illius non mutet, eamque feudalem faciat. vid. *Rosenthal. cap.* 6. *concl.* 68. n. 26. & *cap.* 10. *concl.* 43. n. 6. 17. 18. & 28. id quod & in hac specie consultus respondit *Modest. Pistor. conf.* 22. n. 40.: Das S. Bauerholz von 10. oder 12. Aekern, diemeiñ es ein sonderlich Stucke ist, das vor sich selbst bestehen kan, ohne das Lehn gut; So achte ich auch, daß es Erbe bleibe, weiln es zu Lehn nicht gemacht; quod verum manet, etiam si isthæc unio seu conjunctio per XXX. imò ultra C. annos perduraverit. *Coler. decis.* 213. *Molina. ad consuet. Paris.* §. 1. *Gl.* 5. n. 22. & seq. *Jacob. de S. Georg. de investit. feud. verb. subsequenter.* n. 7. & 8. Tempus enim, ut non est modus inducendæ obligationis l. 44. §. 1. v. *Placet.*  
ff. de

*ff. de O. & A. ita nec modus inducendæ unionis. Oldrad. consil. 296. n. 3. VVesenb. part. 1. consil. 4. n. 19.* Et feuda non constituuntur usu, sed tantum per investituram aut successionem, ut legitur *11. Feud. i. 11. 33. pr.* nec lola destinatio aut usus possessoris potest immutare naturam vel qualitatem rerum, *1. Feud. 15. VVesenb. d. consil. n. 22.* cum causam suæ possessionis sine novo aliquo facto mutare non valeat, *l. 3. §. 10. l. 19. §. 1. ff. de acquir. vel amitt. possess.* quomodo & à Collegio Jctorum Jenensium responsum fuisse scribit *Dn. Richter, 2. consil. 340. n. 10.* : Wann gleich des Titii Vater etliche Bauer-Güther vor etlich und 30 Jahren gekauft, welche in dem zum Lehnguthe gehörigen Dorffe Langenbach gelegen, wann auch gleich solche Güther über 30. Jahr zum Lehn gebraucht worden: dennoch wofern dieselben Güther im Lehn-Brieffe nicht nahmbafft noch zu Lehn gemacht worden, und doch unlängbar, daß des Titii Vater, als er allbereit das Lehn-Guth gehabt, solche Güther gekauft, daß also ad originaria pertinentia feudi die angezogene Bauer-Güther nicht gehörig, und in dubio zu präsumiren, daß Käufer solche in Streit gezogene liegende Gründe, als ein Eigenthums-Herr, und nicht als ein

Lehnmann, inne gehabt, auch dessen hinterlassener Sohn dieselbe ebener Gestalt besitzet, zu dem *destinatio patrisfamilias* und Gebrauch der Bau-  
ren-Güter zu dem Lehn-Guthe nicht gnugsam,  
daß dieselbe deshalb die Art und Eigenschafft  
des Lehn Guths an sich nehmen und bekommen, so  
sind obgedachte Bauer-Güther zum Erbe gehö-  
rig, und davon nicht abzusondern. B. R. R.

TH. VII. *Cautæ impulsivæ incorporandi bona allodialia feudalibus variæ sunt, prout vel necessitas vel commoditas, vel aliud Vasalli arbitrium id exigit. Et in specie incorporationem ditionum Universitatis speciem habentium Principatum, Comitatum & Dynastiarum, &c. plerumque svadet vel (1) metus rei in solidum amittendæ; Quando v. c. Vasallus alienæ potentæ sollicitus observator, sed viribus impar, & proinde rerum fortunarumque propriarum jacturam veritus, mavult, cum fortuna decidere, atque alieni facere beneficii, quod proprio Marte servare non potest, quam de tota possessione periclitari. Vel (2) lucrum aliquod, quod ex hac incorporatione Vasallo obvenire posse speratur, veluti si dominium bonorum allodialium domino feudi sub conditione recipiendi illa in feudum, vendat, vel (3)*

Lis

Lis atque controversia, quæ inter dominum feudi & Vasallum intercedit, non nisi per transactionem, eamque insecutam incorporationem, sopienda. Vel (4) æs alienum quo Vasallus premitur hoc modo commodissime expungendum. &c. &c.

TH. VIII. Ut autem hæc incorporatio supra præfinito modo facta subsistat, utriusque & offerentis Vasalli & acceptantis investientisque dominiabilitas, id est, jus & facultas transferendi atque dominium acceptandi, requiritur: A parte Vasalli, cum ea omnibus, qui rerum ad singulos spectantium veri atque irrevocabiles domini sunt, regulariter competat, omnes pro personis ad incorporandum idoneis habendi sunt, nisi propter defectum animi, vel corporis, aliamve singularem legis dispositionem, prohibeantur. De alienatione bonorum impuberum, minorum aliorumque, Curatores suos habentium sive iis destitutorum, tutorum item ac surdorum, furiosorum ac prodigorum, quænam requisita, ne invalida postea dici queat, observanda sint, cum ex jure Civili satis pateant, operæ pretium non judico, pluribus hic adducere: de ultimo saltem quæritur: An illius oblatio si juramento roborata fuerit, saltem juxta juris Canon. principia *cap. 28. X. jurejur. va-*  

B 3
leat,

leat, item, an *Authent. Sacramenta puberum C. si adversus vendit.* ad hunc extendi possit? *Illustris Dn. Praef. in Protribun. pens. 4. delib. 13.* cum alleg. *Francisco de Caldas & Azorio*, eo quod iudicio careat, & puberi non nisi in eo, quod neuter alienare possit, æquiparetur, in negativam inclinat: cui & nos subscribimus.

TH. IX. Filiusfamilias Vasallus, cui vel à patre feudum refutatum *conf. B. Dn. Struv. S. F. c. 12. §. 9. n. 2. & 14.* vel noviter concessum fuit, an ad incorporandum bona sua persona habilis sit, distinctio peculiorum optime docebit. Peculium profectitium cum pleno jure ad patrem pertineat, §. 1. *f. per qu. person. cuique acquir.* bona ad illud spectantia incorporare eum non posse, facile liquet: Econtrario in Castrensi vel Quasi ut & adventitio extraordinario, cum liberrimam & administrandi & alienandi (quod tamen ultimum ultra actus inter vivos extendi nequit) habeat potestatem, *L. 15. §. 1. de castrens. pecul. L. 2. de SCto Maced. L. 6. pr. inf. C. de bon. qua lib. Nov. 123. cap. 19. Nov. 117. cap. 1. §. 1. de ipsius habilitate nullum est dubium.* De adventitio ordinario saltem dubitari posset, an illud totum vel ex parte, invito patre, feudo incorporare possit? quod quidem affirmandum

dum videtur ex eo, quod proprietarius rem sine usufructuarii consensu alienare, & per consequens in feudum converte possit. *arg. l. 25. de V. S.* Verum ad filiosfamilias, ratione jam dicti peculii, hæc juris dispositio non pertinet, cum concessio proprietatis filio facta ipsi non tribuat facultatem absque voluntate patris rem alienandi. *L. ult. §. 5. v. filiis autem familias. C. de bon. qua lib.* Hinc ad validitatem incorporationis consensus patris necessario adhibendus venit. An vero & in hoc casu, eodem modo, quo si consentiente patre filiusfamilias bona sua adventitia alicui in feudum concedit, patrum usufructus (quippe quod feudi constitutio in nuda proprietate fieri non possit) adiungitur, vid. *Illustr. Dn. Pras. in anal. ad Synt. feud. cap. 5. n. 1.* consensus ille patris quoque renunciationem usufructus involvat? quæstionis est, quam negamus.

TH. X. De Personis publicis, & quidem Ecclesiasticis, Archi Episcopis, Episcopis, Abbatibus aliisque Clericis, feudali nexu immediate vel mediate Imperio obstrictis, quæritur: an illi bona Ecclesie allodialia in feudalia convertere possint, ita ut successores eorum acta rata grata habere debeant? Quod affirmamus, modo ad utilitatem Eccle-

Ecclesiæ tendat incorporationio, Capituli que consensu rite adhibeatur, *v. 1. feud. 1. § 6. 2. F. 35. cap. 8. § 11. X. de reb. Eccles. non alienand.* alias successor qui hic proprio jure succedit, extra hæc requisita ad Antecessoris sui gesta servanda non obligabitur. *arg. cap. 1. X. de his que fiunt à Præl.* Civitates quoque aliasque id generis universitates feuda possidentes, modo requisita illa, quæ in obliganda Civitate & Universitate leges observanda præscripserunt, adhibita reperiantur, quin in numero personarum incorporationem efficere valentium comprehendendi debeant, non est quod dubitemus. *arg. l. ult. C. de vendit. rer. Civit. Lib. XI. tit. 31. jung. Gædd. de reb. cred. c. 2. n. 150. seq. Nicol. Losæ tract. de jure univers. p. 3. c. 5. Mev. ad Jus Lubec, p. 2. tit. 3. n. 28.*

TH. XI. Hæc de Vasallo incorporante; quod attinet dominum feudi, quilibet, ad conferendum feudum alteri in bonis suis habilis, etiam à Vasallo oblatum in bonis allodialibus dominium acceptare, super dominio utili ipsum investire, & sic allodium cum feudo à sua parte unire potest. Ad quodnam vero peculium, si sit filiusfamilias, dominium hoc acquisitum directum referendum erit? de feudo communi à Vasallo acquisito.



quisito *Andr. de Ifern. cap. un. de his quæ feud. dare poss. n. 13. & Vultej. Lib. 1. cap. 4. n. 8.* generatim affirmant, ad castrense peculium pertinere, cum regulariter ob servitia militaria seu militiam concedatur, quo argumento ductus affirmare quis facile posset, dominium directum ad Castrense peculium pertinere, cum maximam partem ob protectionem vel advocatiam (vid. th. 7.) bona allodialia domino feudi à beneficiario offerantur. Sed huic & illi assertioni generatim prolata vix tuto fides habenda, partim quod non ob militiam tantum, sed & alias ob causas, feudum concedatur, & res in feudum offeratur, (vide th. 7.) partim vero & potissimum, quod omnia illa bona, quæ intuitu militiæ acquisita sunt, non videantur ad Castrense peculium referenda esse, sed quæ intuitu militiæ præsentis. Nam in *L. 11. de castrens. pecul.* pro bonis Castrensibus ea saltem habentur, quæ in militia agens acquisivit, & quæ nisi militaret non esset acquisiturus. *jung. Bocer. de bello c. 16. n. 18.* Manebit itaque reliquum, feudum oblatum ratione domini directi ad bona adventitia ordinaria, in quibus patri ususfructus competit, regulariter referendum esse, nisi intuitu militiæ præsentis vel ipsius patris oblatum sit: priori enim casu ad Castrense,

C

le,

se, posteriori ad profectitium pertinebit. *L. 6. C. de bon. qua lib. arg. l. 21. ff. de usufr. L. 10. §. 6. in f. de vulg. & pupill. substit. d. l. 11. de castr. pecul.*

TH. XII. Inviētissimum nostrum Imperatorem oblatum à Statibus aliisque immediatis Imperii Vassallis, sive expresse sive tacite, bonorum allodialium, ut feudalibus incorporentur, dominium (quando nimirum Status aliquis petendo renovationem investituræ, & ita recognoscendo Ducatum, Principatum &c. vel aliud feudum, terras allodiales hisce feudis insertas & immixtas simul in feudum recognoscit) acceptare posse, nullum est dubium: id quod sæpissime in Imperio factum fuisse, concedent illi, qui norunt, Ducatus, Marchionatus, Landgraviatus non tam amplios olim fuisse uti nunc sunt, sed accessione Comitatum aliarumque terrarum, ex parte etiam allodialium, fuisse insigniter auctos, & postmodum una cum Ducatu & sub ejus titulo, tanquam partes, simul in feudum recognitos. *vid. Iter. de feud. Imp. cap. 8. §. 17. & 18.* ubi exempla: quod & in aliis Statibus eminentioribus, Con-Status Vassallos vel alios nexu feudali sibi subiectos habentibus, verum est: quanquam ab Extraneo si feudum Imperatori offeratur, cum non solummodo domini-  
um

um acquirat, sed & instar aliquod fœderis aut sal-  
tim nexus ad protegendum concurrat, potestas ac-  
ceptandi feudum quadantenus limitata, atque à  
potestate fœdera pangendi, aut in tutelam Imperiï  
recipiendi, deducenda erit: Jam v. ex *Pacificatio-  
ne Osnabrugensi art. 8. §. Gaudeant. &c.* quantum  
ad fœdera, liquet: ab Imperatore fœdera solita-  
rie non, sed Consensu Statuum adhibito, pangen-  
da esse. Quod tamen *Capitulatione Leopold. art.  
10.* ita expositum reperitur, ut si Statuum consen-  
sum exquirere non liceat, Electorum adhibitio suf-  
ficere queat. Ex quo nunc colligendum est, Im-  
peratorem feudum oblatum absque Consensu  
Statuum Imperii, vel casu ita exigente ad mini-  
mum Electorum, acceptare non posse.

TH. XIII. Omnes autem omnino Res Va-  
talli propriæ, & alienari non prohibita, sive immo-  
biles sive mobiles, non obstante 2. F. 1. §. ult. ut  
pecunia (de qua tamen sciendum, ejus naturam  
allodiam in feudalem mutandi facultatem non  
omnibus indistincte dominis, sed solum illis qui  
Majestatem sive Superioritatis territorialis jure gau-  
dent, vel alias si inferiores sint, præscriptione hoc  
jussu acquisiverint, competere. v. *Klock. tom. 3. con-  
sil. 124. num. 56. & 84. Carpzov. 2. const. 30. def. 10.*  
C 2 num.

*num. ult.* pluresque alleg. *apud B. Dn. Struv. S. F. cap. 4. §. 3. num. 3.*) sive corporales sive incorporales, exque vel conjunctim, ut jurisdictio una cum Castro, sive solitarie & per se, veluti jus decimandi, jus venandi &c. absque fundo cui inhaerent, & nec bona tantum particularia, sed & universa, tam praesentia quam futura, cujus exemplum adfert *B. Dn. Struv. S. F. c. 7. §. 10. num. 11.* (quo casu tamen legitima filiabus salva esse debet, *tot. tit. C. de inoff. dot.* cum alias ad legitimæ supplementum agi & per rescissionem invalidari hæc incorporatio possit. *Rosentb. cap. 6. concl. 68. num. 29.*) quin denique integras ditiones, Comitatus &c. tam corpora quam jura in se continentes (quo casu Superioritas territorialis, & huic conjuncta Regalia, tam majora quam minora simul oblata erunt) eodem modo uti in feudum concedi, ita & à Vassallo feudo concessio conjungi ac incorporari juxta præcedentia possunt.

TH. XIV. Sunt autem quædam res, quæ cum alienari prohibeantur, objectum incorporationis idoneum constituere non possunt, & quidem vel absolute, eo quod in totum commerciis hominum sunt exemptæ, vel secundum quid, ob singularem scilicet juris dispositionem. Ex posteriorum

riorum numero sunt illæ res, quæ per actum ultimæ voluntatis, qualis est fideicommissum, vel per actus inter vivos & conventiones, vel etiam ob singularem suam naturam & conditionem ita sunt adfectæ, ut domino potestas illas alienandi adempta sit; In totum vero dispositioni humanæ exemptæ sunt res sacræ & religiosæ; nisi dicere velimus, si universitas aliqua, ut Comitatus vel Civitas, incorporaretur, res quoque has simul transire, non quidem ut eorum dominum nanciscatur dominus feudi, sed ut in illa Civitate maneant; *B. Dominus Struv. S. F. cap. 6. §. 3.* quibus tamen æquiparandæ non sunt res in patrimonio Ecclesiæ existentes: illæ enim tanquam non simpliciter & per omnia hominum commerciis exemptæ, à Vasallo Ecclesiæ, si utilitas vel iusta causa svadeat, aditque Capituli & Prælati consensus *J. F. 1. 2. F. 35. cap. 8. §. 11. de reb. Eccles. non alien.* præmemorato modo incorporari queunt. Quid vero dicendum de rebus Ecclesiasticis, antea quidem in feudum legitimo modo oblati, ad Ecclesiam vero ratione domini directi iterum devoluti, an has absque requisitis Canonicis solennitatibus dominis feudi ad unendum offerre liceat? Ita statuendum videtur, *arg. cap. 2. X. de feud. Gail. 2. O. 161. num. 3.* Cum e-

nim res Ecclesiæ infeudari solitas absque prædictis solennitatibus ideo in feudum concedere liceat, quod Ecclesiæ utilitas in illis jam ante approbata, & semel Capituli consensus datus sufficere, perpetuè durare intelligatur, hinc ut ob identitatem rationis eadem hic obtineat dispositio, necesse est.

TH. XV. Ex dictis apparet, rei alienæ allodialis ut in feudum convertatur oblationem nullius momenti esse: si tamen per tempus lege definitum cæteris paribus possessum & recognitum fuerit, dominus feudi dominium directum, Vassallus offerens utile, præscribit; Non vero nisi titulo oneroso v. c. emtione venditione, datione insolutum, aut transactione &c. ratione cujus evictio præstanda est, *vid. Dn. Struv. S. J. C. Ex. 27. tb. 17.* dominus feudi quasi dominium horum bonorum acquisierit, Vassallus tanquam donator re evicta ad evictionem tenetur, *vid. Dn. Struv. S. F. cap. 6. §. 9. n. 7. & Illust. Dn. Prasf. in anal. ad eund. loc.*

TH. XVI. Cum autem hac incorporatione libertas domini in re sua maxime restringatur, & sic odiosa sit, ac unusquisque potius jure ac nomine proprio, ut dominus plenus, quam jure utilis domini ac nomine alieno rem possidere præsumatur, *Menoch. Lib. 3. præsumit. 91. num. 4. VVe- senb,*

*senb. part. 1. consil. 4. num. 14.* exindeque omnia bona sive ad privatos spectantia, sive Regalem dignitatem annexam habentia, ut probant *Klock. tom. 2. consil. 8. num. 47. J. Cti Marpurgens. Vol. IV. consil. 37. num. 551. J. Cti Tubingens. p. V. consil. 212. n. 2.* in pristina libertate naturali, cujus favor ubique prævalet, *v. l. 20. de R. J. L. 38. ff. de re judic. manifeste*, nec servituti, cujus species feudum dicitur *Glossa in L. 13. v. Si ususfructus. in verb. Oportet. ff. de usufr. obnoxia facta fuisse*, statuendum sit, præsertim quod ipsæ consuetudines feudorum, si de bonorum nexu feudali non constet, in dubio potius allodialia & libera quam feudalialia esse bona asserant. Hinc qui in incorporatione seu mutata qualitate rei allodialis in feudum se fundat, sive actor sive reus, sive in possessione sive extra eam constitutus sit, cum status vel qualitas origini naturali contradicens non relevet possessorem ab onere probandi, ut habet *Fulv. Pacian. L. 2. de probat. c. 20. n. 7. & 8. Klock. tom. 2. consil. 8. n. 134.* eam legitime probare debet. *l. 13. C. de probat. l. 4. C. de eadend. l. 9. C. de except. & præscript.* Inde quoque ob eandem rationem, pendente super qualitate bonorum controversia, inter defuncti agnatos & filias (quod etiam ad sorores aliasque fœminas in  
proxi-

proximo succedendi gradu lineæ transversalis constitutos extenditur à *Dec. consil. 424. n. 11. Roland. à Valle lib. 1. consil. 1. n. 62. Hartm. Pist. part. 2. qu. 39. n. 8. Menoch. de adipiscend. possess. remed. 4. n. 378. eo quod & beneficium L. ult. C. de edit. Div. Hadr. toll. nec non ex Tit. Quor. bonorum. quae hoc in casu cum sanctione juris feudalis prorsus conveniunt, vid. Hartm. Pist. de quest. 39. n. 5. omnibus indifferenter competat haeredibus Dd. in d. l. fin. C. Menoch. d. l. remed. 1. § 4.) hae si in possessione constitutae sint, in ea defenduntur, v. 2. feud. 26. cap. 1. non obstante praesumptione, quae ex majori parte bonorum, secundum quam etiam de residuo judicandum voluit Menoch. l. 3. praesumpt. 91. n. 62. § seq. Gail. 2. O. 69. n. 6. Coler. consil. 3. num. 46. seqq. sumitur, & quod si de praediorum latitudine dubitetur, omnia feudalia ejusdemque qualitatis praesumantur, uti scribit Jafon. lib. 7. consil. 235. n. 6. sub fin. vers. item si dubitatur. § num. sequ. Mynsing. cent. 5. Obs. 25. n. 9. item si de bonorum qualitate non constet, omne id quod Castro cohaeret, feudale censeri debeat, ut tradit Zobel. part. 2. differ. 46. n. 17. § seq.*

TH. XVII. Probatio nostrae incorporati-  
onis fit vel plene, argumentis inartificialibus, vel  
minus



minus plene artificialibus, onus plenæ probationis in adversarium incorporationem negantem transferentibus : Prius expeditur (1) PER INSTRUMENTUM super Oblatione Vasalli sive expressa sive tacita, & subsecuta debito modo investitura, confectum : hoc enim, quoad bona tanquam feudalia in eo expressa (non expressa enim cum strictæ illud sit interpretationis, *Vvesenb. conf. 60. n. 11. Klock. tom. 2. consil. 7. n. 200.* allodialia non feudalia præsumuntur, *Mascard. de probat. concl. 70. n. 25.*) plenam inferre probationem unanimis Feudistarum in 2, *F. 1. § 2. F. 32.* est sententia ; In originali tamen illud producendum, & ab adversa parte recognoscendum est. *Mascard. concl. 941. n. 7. Tiber. Decian. Vol. 1. Conf. 14. num. 23.* quamvis etiam in temporis antiqui, & multo magis antiquissimi casu, solum exemplum instrumenti investituræ ad probationem rei feudalis sufficere visum fuerit *Cravette in tr. de antiq. temp. part. 3. §. vidimus in genere. n. 14. Paris. consil. 104. n. 55. vol. 1.* Nec ulla potest esse in hoc dubitatio, si clausulæ : **Daß der Lehnherr dem Gutth oder Geld** ( si pecunia aut æs signatum Domino feudi à Vasallo offertur, ut feudo adjiciatur & incorporetur, vid. supra rh. 13.) die Art und Eigenschaft des Erbes benom-  

D

men

men und zu Lehn gemacht, oder es in Lehn ver-  
wandelt: Item: Daß forthin von Fälln zu  
Fälln selch Gut oder Geld, zugleich den andern  
Lehn-Güthern auf ereignenden Fall solle reco-  
gnosceiret, und unter der Investitur des feudi prin-  
cipalis mit begriffen seyn. Item: Daß seine  
männliche Leibes-Lehns-Erben hiemit beliehen  
seyn sollen, & quæ sunt aliæ ejusdem generis, lite-  
ris investituræ expresse insertæ reperiantur. (2)  
PER TESTES quibus non minus ac Instrumen-  
tis qualitas feudalis plene probari potest; *vid. 1. F.*  
*26. 2. F. 2. ibique Bald. Mascard. concl. 940. num. 1.*  
modo illa debite observentur, quæ tam ratione  
eorum personæ in probatione investituræ novæ  
(*vid. thes. 4.*) jure feudali *vid. 2. F. 2. pr. 58. §. quod*  
*autem. 2. F. 32. inf. B. Dn. Struv. S. J. F. cap. 8. §. 5.*  
*n. 2. §. cap. 16. §. 14.* quam ratione ipsius testimonii,  
requiri solent, ut scilicet, quoad hoc, etiam non  
interrogati rationem suæ scientiæ, quod vel inter-  
fuerint oblationi Vasalli & viderint investituram  
de bonis allodialibus à Domino feudi fieri, vel  
quod legerint instrumentum super investitura fa-  
ctum publicum aut fide dignum, in quo bona  
controversa in specie expressa fuerint, reddant:  
Feudalem enim rem ex allodio factam fuisse, est de  
iis,

iis, quae sensu corporeo non percipiuntur, quo casu testis etiam non interrogatus dicti sui rationem concludentem reddere obligatus est, alias fidem non meretur. *Rosentb. cap. 12. concl. 15. n. 84. Pacian. de probat. l. 1. c. 7. n. 96.* (III.) PER CONFESSIONEM VASALLI, quae omnium probationum fortissima, optima & certissima ab Interpretibus dici solet, *vid. Klack. tom. 3. consil. 182. n. 405. Mascard. Vol. 1. quest. 7. n. 3. 4. & 5. Rosenthal. cap. 12. concl. 14. n. 1. Schrader. part. 10. sect. 12. n. 30.* quamvis rectius relevatio ab onere probandi, quam probatio appelletur, *B. Dn. Struv. S. J. C. Ex. 27. §. 14. Mascard. d. l. n. 1. & 11.* Ut autem illa conversionem bonorum allodialium in feudalia sufficienter ac legitime probet, factam eam esse oportet, **CORAM JUDICE COMPE-  
TENTE**, *v. c. 4. X. de judic.* (extrajudicialis quippe confessio plene non, sed tantum praesumptive probat, *vid. th. seq.*) **A NON ERRANTE**, nec in facto, puta si filiae Vasalli credant, praedium aliquod allodiale juxta feudum, vel domino apertum, vel ad Agnatos successionis jure devolutum, fortean situm, eidem à patre incorporatum esse, neque in jure: (rationem *vid. th. 3.*) **EX CERTA CAUSA**, *arg. l. 93. §. 3. de leg. 3.* confessio quippe  
D 2 sola

sola quemadmodum non facit feudum id quod allodium est : *Surd. consil. 411. n. 73. (v. §. 3.)* ita nec illud sola probare potest, ALTERAQUE PARTE PRÆSENTE AC ACCEPTANTE : *Gail. l. O. 55. n. 8.* absente quippe adversario, de jure Civili, cui hoc in passu contrarium jure feudorum constitutum non legitur, vid. *2. F. l. v. Strenuus.* facta etiam judicialiter confessio, plene non probat ; *l. f. ff. de interrog. act.* jure Can. tamen sufficit, quod per confessionem suam quis Judici aut Judicio adstringatur, modo vel à judice vel ab alio acceptata, ratihabitione domini confirmetur. *Illustr. Dn. Præf. in Anal. ad Dessel. Erot. lib. 2. cap. 18. quæst. 2. (IV.)* Denique PER LITERAS REVERSALES SEU ANTAPOCHAS, quibus Vasalli ratione certorum bonorum nexu feudali se dominis obstrictos fatentur, cum vim instrumentorum habeant, *Modest. Pist. Vol. 2. consil. 37 n. 39. Alex. 5. consil. 29. n. 25. Curt. Jun. consil. 140. allegati à Meichsner. 3. dec. 13. n. 35.* incorporatio nostra probari non minus ac ex præcedentibus potest. Utunque enim scriptura & sigillum privatum foret, tamen cum nostro casu contra ipsum sigillantem & scribentem Vasallum producat, quin plenam fidem faciat, non minus, quam si publicæ forent, hæsitandum non

non est. *L. 26. §. 1. de posui. Tiraqu. de retract. convent. §. 1. Gl. 7. n. 49.*

TH. XVIII. Per argumenta & verisimiles conjecturas, indicia ac præsumptiones, fortiores tamen iis, quæ pro libertate bonorum militant, incorporatio nostra, donec ab adversario eam negante libertas melius defensa fuerit, præsumtive probatur. Et sic probare nihil aliud est, quam judicem ad scientiæ & credulitatis fidem adducere, docente *Castro in L. 31. ff. de jurejur. n. 38.* Huc est, quod dicit *Jetus in L. 21. §. 3. ff. de testib.* Judicem debere motum animi sui ex argumentis & testimoniis, quæ rei aptiora & vero proximiora esse comperit, informare; Et ita non ad testimonium tantum adstringit judicem, sed etiam jubet ad argumenta respicere. Huc pertinet, quod dicit Imperator *in L. 19. C. de R. V.* *Etiam cum de probatione dominii agitur, indicia certa, quæ jure non respuuntur, non minorem probationis continent fidem, quam instrumenta.* Ergo hoc multo magis locum habere debet, cum de probanda qualitate alicujus prædii vel fundi agitur. Non minima certe (1.) inter eas est, si res quæstionis ut incorporata reperitur scripta in libro seu registro Domini feudalis, tali scilicet, in quo aliæ res nullæ quam

D 3

feuda-

feudales & investituræ scribi solent. *Mascard. Vol. 2. concl. 768. n. 10. Menoch. 3. præsumpt. 91. num. 52.* dummodo liber ille feudalisi ad hoc sit comparatus & habitus ut probet, simulque in archivo custodiat; *Gædd. Consil. Marpurgenf. Vol. IV. 16. n. 14.* alias contra Vassallum tanquam scriptura privata nihil probabit. *vid. L. 5. 6. 7. C. de probat. L. fin. C. de conven. fisc. debit. Nov. 48. cap. 1. §. 1.* Ex eo autem solo, quod in Catastro loci aut Civitatis, in quo bona duntaxat non feudalisi descripta sunt, bona hæc reperiantur designata, nova hæc assumpta qualitas feudalisi à *Mascard. concl. 79. n. 15. & seq. & Menoch. d. l. n. 51.* periculose præsumitur. Possunt enim alia de causa, forte quod ab oneribus, bonis aliis describi solitis incumbenribus, immunita, vel libertas eorum præscripta, quin etiam ex nuda designantis incuria omissa esse, ut ita facile enervari posset. *Rosenth. c. 12. concl. 14. n. 40. (II.)* Extrajudicialis deinde Vassalli confessio legitime probata incorporationem nostram quoque verisimiliter probat *Menoch. Lib. 2. consil. 191. n. 52. & L. 3. præf. 91. n. 43. Surd. consil. 151. n. 4.* quamvis dissent. *Speculator L. 2. part. 2. tit. de confessionib. §. 3. n. 5. post med. v. Si confessus sit extra judicium, plene illam probare autumans, & VVesemb. in parat. ff. de*

de

de confess. n. 10. pr. Salycet. in L. 3. C. de reb. cred. n. 21. nullam plane fidem ei tribuentes. Quod autem geminatum vel juramento suffultum attinet, judicialis confessionis vim eam obtinere, ideoque plene probare, putamus cum *Carpz. Lib. 3. R. T. 7. resp. 67. n. 11. & 13.* (III.) Imploratio consensus ad alienandum sive testandum à Vassallo facta ratione horum bonorum etiam rem feudalam arguit. *VVesemb. consil. 4. n. 75. Richter. p. 3. consil. 8. n. 33.* Et possent plures harum probabilium conjecturarum hic afferri species, nisi instituti nostri ratio supervacaneum id judicaret.

TH. XIX. Effectus quod nunc concernit, operatur incorporatio bonorum allodialium (sive particularium sive universorum) in feudalia expresse, accessorie, perfecte & pleno jure facta, ut unitum seu incorporatum capitis feudi naturam induat, arg. l. 23. §. 5. ff. de R. V. ibique Bald. L. 10. §. 2. ff. de vulg. & pupill. substit. Decian. Lib. 2. consil. 32. n. 29. Cravetta Consil. 454. num. 3. Estque de hac perfecta unionem verum quod dicitur, unionem facere, rem esse ejus naturæ, cujus est id, cui unitur. cap. 1. X. ne sede vac. c. 3. X. de Statu Monach. L. 1. §. 14. ff. ad L. falcid. ibique Bart. l. 7. ff. de captiv. & postlim. reverf. ubi dicitur, si res sint redactæ ad unum,

num, quod tunc non debeant diverso jure censerī.  
*L. 23. pr. de usucap. Zobel. differ. jur. civ. & Saxon.*  
*p. 2. differ. 46. n. 7.* Nec minus rectum est, quod  
 asseri solet hanc esse naturam unionis, ut res unitas  
 ad eandem essentiam reducat, *Mastrill. de Magi-*  
*strat. l. 4. c. 12. n. 30.* partemque unitam fieri prin-  
 cipalis appendicem. *Vvesenb. consil. 1. n. 52. & se-*  
*qui jus ejus: Tiraq. de retr. proxim. §. 1. Gl. 7. n. 81.*  
 quin etiam vigore ejusmodi unionis unitum regu-  
 lari secundum principalis sui leges. *Bart in L. 18. §.*  
*1. ff. de pignor. act. Cravetta consil. 454. per totum.*  
 Nec obstat 2. *F. 8. §. E contrario.* unione non muta-  
 ri bonorum separatorum naturam. *Gædd. d. con-*  
*sil. 37. n. 788. Knipschild. tr. de fideicomm. fam. cap.*  
*12. n. 115. & rem consolidatam & unitam non cen-*  
*seri eodem jure, quo res cui consolidata & unita*  
*est, sed tanquam aliam & per se judicandam esse.*  
*Tiraqu. de retr §. 19. Gl. 12. n. 2. & 32. Schrader.*  
*part. 10 sect. 2. n. 10.* Hæc enim de simplici unione  
 seu conjunctione bonorum, de qua supra *thes. 6.*  
*per tot.* egimus, accipienda sunt,

TH. XX. Propter dominium itaque dire-  
 ctum, per incorporationem in hæc bonis, domi-  
 no feudi quæsitum (1.) illa simul cum feudo cui  
 connexa sunt, in casum non existentium successo-  
 rum



rum feudaliū, masculorum scilicet, domino aperiuntur, & cum ejus bonis consolidantur: foeminas enim in feudo oblato, in cujus speciem, si res allodialis, ut feudalis fiat, feudo jungitur, incidit, vid. *Illustr. Dn. Pres. in Anal. ad Struv. S. F. c. 12. §. 6. n. 9.* succedere, non recte ab *Alciat. resp. 160. n. 24. Knichen. de jure territ. cap. 1. n. 204. Bursat. consil. 46. n. 16. & novissime Dn. Rhetio in comment. feud. pag. 49.* asseritur, conf. *Idem in Anal. ad Synt. Feud. cap. 7. §. 10. num. 10. Hertius tr. de feudo oblato part. 2. §. 37. n. 4. Besold. consil. 182. n. 76. Vultej. L. 1. cap. 9. n. 56. Rosenth. cap. 2. concl. 24. n. 1. & cap. 6. concl. 68. n. 28. prolixè Consil. Marpurgens. Vol. 4. consil. 37. n. 701. & seq.* Nec quicquam officit, quod & hoc improprium feudum sit: nam improprietas illa seu potius irregularitas & modus extraordinarius in constituendo saltem reperitur; nihil vero tale in jam constituto seu natura feudi constituti apparet. *Illustr. Dn. Pres. c. 1. (2)* Renovationem etiam investituræ, quamvis sub principalis feudi, cui innexa sunt, recognitione comprehendantur, nec specialiter ut exprimantur necesse sit, persona vel Domini vel Vasalli mutata, v. 1. F. 22. 2. F. 24. 40. pr. 52. §. ult. 55. pr. inf. Vasallus ejusve hæres ratione horum petere tenetur:

E

hinc,

hincque etiam pœnæ non recogniti dominii, amissionis feudi scilicet, si dolose vel negligentia inexcusabili recognitionem omiserit, *v. 2. F. 24. junct. §. 1.* quoad rigorem juris una cum principali subjacent; licet quoad hæc ad eam non facile procedendam esse statuat *Illustr. Dn. Pres. in Anal. ad Synt. Feud. c. 15. §. 5. Besold. Th. Pract. voce Aufgetragene Lehn. num. 102. & decad. 7. consil. 7. fol. 164.*

(3) Sine Domini consensu, nisi feudum cui sunt unita mere sit hæreditarium, *vid. 2. F. 48.* aut ex consuetudine loci naturam allodii habeat, (quo casu ad perfectionem negotii consensus domini, cui tamen indicari debet, an forte in novo Valallo quid desideret, *v. Illustr. Dn. Pres. in Anal. ad S. F. c. 13. §. 1. n. 1.* non requiritur) de iis nec disponere nec eadem alienare potest. *v. 2. F. 34. §. 2.*

(4) Foro suo ordinario & alias competenti eximuntur, & speciali suo feudali, *v. 2. F. 16. 39. §. si inter. 55. §. pen.* modo locum habere possit, *conf. B. Dn. Struv. S. F. cap. 16. §. 7. n. 2.* ubi causas, ex quibus forum feudale deficiat, recenset, subjiciuntur. Non tamen hæc bona, etiamsi feudo antiquo adjiciantur & inferantur, per hoc naturam feudi antiqui induunt, sed novi qualitatem tantum assumunt. *Alex. Lib. 5. consil. 9. n. 11. Rosenth. cap. 2. concl. 24. n. 3.*

*& cap.*

§ cap. 6. concl. 68. n. 27. Quare ad collaterales & agnatos illius, qui ea primus recognovit, nisi sub commemoratione antiquarum investiturarum expresse concessa repēriantur, aut alias de mente contrahentium aliter constet, non pertinent, sed Domino si Vasallus iste absque hæredibus masculis decedat, aperiuntur. *Riminald. Vol. 1. conf. 208. n. 9. vers. Ex alio etiam capite. Rosentb. d. l. n. 4. § 5.* Illud adhuc monendum censeo, quamvis iuxta ea, quæ hætenus diximus, adhærentia vel unita fiant ejusdem conditionis, cum his quibus accedunt: id tamen eatenus tantum verum esse, quatenus id non fit in aliorum præjudicium, quibus etiam post incorporationem jura integra manere debent. Ita in præjudicium & detrimentum aliorum bona rustica vel civica (Bauren oder Bürg. r. Güther,) à Nobilibus emi, & feudis incorporati, atque tanquam feudalia recognosci, non possunt. *Cravett. consil. 64 n. 2. Mev p. 4. decis. 106 in f.*

TH. XXI. Transmutata ita per incorporationem bonorum nova qualitas perdurat, donec vel factum hominis, vel legis dispositio, naturali & pristinæ libertati illa reddiderit. Quoad illud voluntas & consensus tam Vasalli offerentis quam Domini eorum Dominium acceptantis, cum ut *supra* tb. 3. pluribus dictum est, maxima ex parte modum inducendi hanc incorporationem absolvat, in illius

quoque dissolutione merito præ cæteris attenditur : nihil quippe tam naturale est, quam eodem quo quid colligatum est modo negotium dissolvi. *l. 35. de R. J.* Legis autem dispositione incorporatio tollitur dupliciter : (1) Consolidatione, dominio scilicet directo in his & aliis bonis feudalibus, cui annexa & unita fuerunt, domino feudi sive naturaliter sive civiliter, nullis necessitudine aliqua ipsum attingentibus & in dominio directo succedentibus hæredibus relictis, mortuo, ex præsumpta ejus voluntate (*v. B. Dn. Struv. S. F. cap. 15. §. 3. n. 3.*) Vassallo obveniente, *Vultej. Lib. 1. cap. 11. n. 7. & 8.* (2) Præscriptione. Quemadmodum enim libertas bonorum XXX. annorum cursu (vid. *supra* *tb. 4.*) amittitur, ita & eodem tempore cæteris paribus illa acquiri potest. Quæ cum ex jure feudali notissima sint, ulterius hic deducere, nec necesse, nec scopo ac proposito meo conveniens, arbitror. Vela itaque contrahens, id unice à Te, B. & H. Lector, ea, qua par est, observantia peto, ut hanc meam opellam, ceu injunctum Academicæ industriæ Specimen, æquo animo interpretari, nec censoria virgula perstringere ; sed potius errores, si quos accurata perlustratione deprehendes, vel suppressimere, vel benevole & humaniter excusare digneris : certus, me in parili benevolentia atque humanitatis certamine nunquam tibi cessurum, favorem ejusmodi quibuscunque officiis data occasione demeriturum, atque ut meliora aliquando DEO volente, protrudere possim, sedulo an-  
nifurum esse.

S O L I D E O G L O R I A,